

QVÆSTIO MEDICA.

QVODLIBETARIIS DISPV TATIONIBVS MANE DISCV TIENDA

IN SCHOLIS MEDICORVM, DIE IOVIS II. DECEMB.

M. NICOLAO LE LETIER, Doctore Medico Præsîde.

An Febris Quartana longissima & securissima?

1092

VT ex optima corporis temperie actionum perfectio, ita ex ametria, earum offensæ: harum quædam sunt totius corporis, partis vnus alia. Febris totius corporis intemperies est, quæ non in humoribus vere existit, sed in calore præter naturam, corde primum accenso, omnis subsistit. Hæc ut à materia, diaria, humoralis, aut hæctica, sic ex putrescentis humoris specie & situ, continua aut intermittens dicitur. Cum in venis arteriisque maioribus tanta est putredo quæ cor, vitæ & caloris fontem, continenter afficiat & labefaciat, continua fiunt febres, συνεχής, synochi, causi, tritaiophyces, hemitritæ, χαλκίδεις & δισσφοροι. Si in paucis phlegmatis materia accenditur, leuiorque est, aut à corde longe semota putredo, intermittentes fiunt, quotidianæ, tertianæ, quartanæ, aut quæ ex earum implexu oriuntur. Continua illæ à maligna humorum putredine, aut inflammatione partium principum, aut erysipellate ortæ, ut acutæ & præcipientes, sic citissime aut extinguunt, aut extinguuntur, sed quacumque ratione intermiserint periculi sunt securæ, & præcipue quæ maximas dant inducias, ita ut vires, sustinendæ morbi longitudini & iudicationi satis esse queant.

MELANCHOLIA putris, quæ caloris nativi beneficio regi non potuit, febrem quartanam excitans non in liene solum, sed in mesenterio, pancreate, aliisque sedibus propriis ex causis congeritur. Ut humoris in alium humorem, sic febris in aliam speciem facilis est μεταβολή. Melancholicus humor prius vltionem non expertus mitiorem quartanam efficit, quam is, qui vltione abijt in atram bilem, & cuiusvis humoris torrefacti veluti sax est, & cinis. Quæ ex seipsa, non ex alia præcedente febre, originem habet, ut lienis intemperiei solum consecutaria est, quam naturalis melancholiæ exuperantia peperit, leuior existit & securior. Si febrium intermittens, acutarum, & erraticarum, vel εναποεργίας, cancrorūque lienis diatheseos soboles est, grauior & periculiosior censetur. Hæc quod hydropem εὐσπασίαν, ut viscerum scirrhus, inuehat, Medicorum opprobrium, sed malè vocatur, quasi vero insanibiles morbos vincere possit Medicina, & non aliis adhibeatur ad remedium, aliis ad leuamentum, aut non potius præter partium diathesi, humorisue ἀδυναμίας, quam artis impotentia tantæ in hac febre diuturnitatis, aut periculi, causa tribuenda sit, cuius quidem typus ex se longissimus puta 72. horarum, tertianus medius 48. quotidianarum breuior 24.

TOTIVS præfagitionis summa ex morbi cum vitibus collatione depromitur. Hæc ex triplici pendent origine, cerebro, corde, & hepate. Morborum alij motum Lunæ sequuntur, & hi diebus, repentinæque in morbo mutatione a salutem aut mortem iudicantur: alij So is, qui mensibus soluuntur: alij planetarum cæterorum, & maximè Saturni motus, annisque terminantur. Febris quartana mensibus ferme sex definit, interdum tribus, & vix, nisi ex errore ultra annum prorogatur. Febres forte longiores non arguit anticipatio, vñ nec breuiiores retardatio. Quod redeant in causâ hæc sunt, motus, putredo, & humorum συνδρομαί. Quod vero statâ periodo quodant, non humoris exuperantia ut nec manifesta qualitas. Ἀπαρχία si adest longitudinem portendit. Sed si quem tædeat tantæ in hac febre longitudinis, de eo statâ mouenda est, in quo detinetur, sic ubi id quod est curationem non recipit, potest recipere id quod futurum est, non enim semper abominandum remedij genus sanitatem debere morbo. Igitur quid mirum, si quartana sæpe excessu soluat? Fabius in cruento contra Allobroges prælio febre quartana per bellicum ardorem fuit liberatus, sicque amor, metus, lætitia, aliæque vehementiores animi perturbationes, sapius saluti fuerunt.

ERRATICARVM & inordinatarum febrium in quartanas facilis transitus: maxime si proximus Autumnus est, quo tempore βασιλίσκονται νόσοι dominantur. Verno tempore, quo videtur hoc meditari natura ut corpora nostra insalubribus humoribus repurgata nouis succis repubescant, ut & æstiuo, quartanæ breuiiores existunt, ab his ne pueri quidem immunes, in quibus παῖδες τοὶ πρῶτον νοσήσαντες. Hæc frequentius adoriuntur senes melancholicos, præsertim si vigilis, curis, mæroribus & laboribus sese conficiant, & victu parco siccoque vtantur. Mulieres quibus lunaris purgatio, earum σύνοδος βοηθῆμα, subsistit, si quando febribus quartanis diuexentur, aut hypochondriaci affectibus, grauius multo alijs laborant, & tristius curantur, hisque hæmorrhoidum fluxus superueniens raro, (contra quam viris) salutaris est. Vis quartanarum vitare longitudinem? cum illis initio mitius agas, victus ratio sit accurata, si sanguis nigrior appareat venæ sectio, purgatio blanda, progressu morbo interdum validiora remedia, vomitus καὶ αὐτὴν τῇ λαΐῃ. Chinchinam, febrem quartanam quasi miraculo fugare quis crederet, nisi expertus? Præstigiis, incantamentis, & amuletis repressa, furibunda sæpe, & funesta euasit, ita ut satius sit ægrotare cum causa, quam sine causa sanari.

VLGGO, pessimo rerum omnium interpreti, fidendum non est, dum asserit febrem quartanam numquam desinere ἀνέσθαι. Verius Medicorum maximus, μακροτάτω, quidem illam, sed ἀσφαλέστατω asseuerat. Quotidiana contumax est, & refractaria, facultatis naturalis robur, aut infestat, aut dissoluit, ventriculum offendit, qui totius corporis rex est non Tyrannus. Tertiana breuior, sed motu, causa, symptomatis, ardenti congener, in quam facile mutatur. Quartana vnam tantum noueram, duas matres agnoscit, quæ refectioni locum præbent, & recreandi refocillandi que viribus iustum & idoneum tempus subministrant; hinc est quod ægri, & foras prodire, & res tam priuatas, quam publicas obire possint. Quid plura? quo calore humorem melancholicum coquit, quem rigore discutit, lienis intemperiem emendat, infarctus visceris ἀπὸ τῆς ἐπὶ τῇ ἐκπέτῃ, tremorem, conuulsionem (tutius quam febri acuta) quinetiam epilepsiam placat, raro victus ratione, medicamentorum sylvâ, locorum, ætatisue mutatione sanabiles, & nonnullos à grauissimis alijs morbis sapius vindicat.

Ergo Febris quartana longissima & securissima.

DOMINI DOCTORES DISPV TATV RI.

M. Petrus Moriau,
M. Guillelmus Petit, Sc. P.
M. Ioannes Confin.

M. Rolandus Merlet, Sc. pr.
M. Stephanus le Gangneur.
M. Petrus Bourdelot.

M. Gilbertus Puyton.
M. Ioannes Vacherot.
M. Claudius Seguin, Prim. Reg. med.



Proponebat Lutetiæ ABRAHAMVS THEVART Parisinus, A. R. S. H. M. DC. LV.